

四川出版集團 巴蜀書社

四川大學圖書館館藏

主編 姚樂野 王曉波

副主編 林 平 袁學良

珍稀四川地方志叢刊

七



主編 姚樂野 王曉波

副主編 林 平 袁學良

四川出版集團 巴蜀書社

四川大學圖書館館藏

珍稀四川地方志叢刊

七

圖書在版編目 (CIP) 數據

四川大學圖書館館藏珍稀四川地方志叢刊/姚樂野. 王曉波主編. —成都:
巴蜀書社, 2009. 9
ISBN 978-7-80752-467-0

I. 四… II. ①姚…②王… III. 四川省—地方志—叢刊 IV. K297.1-55

中國版本圖書館 CIP 數據核字 (2009) 第 167458 號

四川大學圖書館館藏珍稀四川地方志叢刊 (第七冊) 姚樂野 王曉波 主編

責任編輯	林 建 李 嘉
封面設計	張 科
出 版	四川出版集團巴蜀書社 成都市槐樹街 2 號 郵編 610031 總編室電話: (028) 86259397
網 址	www. bsbook. com
發 行	巴蜀書社 發行科電話: (028) 86259422 86259423
經 銷	新華書店
印 刷	成都東江印務有限公司
版 次	2009 年 9 月第 1 版
印 次	2009 年 9 月第 1 次印刷
成品尺寸	210mm×290mm
總 印 張	194.25
總 字 數	620 千
書 號	ISBN 978-7-80752-467-0
定 價	4000.00 圓

本書如有印裝質量問題, 請與工廠調換

第七冊目錄

德陽縣鄉土志	一
(清)佚 名編纂	
(嘉慶)資陽縣志	四一
(清)宋 潤等修 陳鳳廷等纂	
茂州鄉土志	二七三
(清)謝鴻恩編	
撫邊屯鄉土志	三二一
(清)劉文增 周汝梅編	
懋功廳鄉土志	三三一
(清)興 元編	
新修懋功屯鄉土志略	三三九
(清)李增稷編	

瀘縣鄉土地理	三五三
(民國)李昌言著	
永寧縣鄉土志	三九五
(清)佚 名編	
石碛廳鄉土志	四〇九
(清)楊應璣 譚永泰 劉青雲編	

(清) 佚
名編纂

德陽縣鄉土志

清末抄本

掛
號

提要

是編不著撰人姓氏。

清代德陽曾數次修志。康熙三十四年，知縣別楣曾纂縣志一部，已佚；乾隆年間，知縣闕昌言、張又李纂修有縣志二十卷首一卷，之後，周際虞又有續修。嘉慶、道光、同治、光緒各朝亦代有續增、重修之舉。是編修成於清末。『概以縣志爲藍本』（卷首《凡例》），記載多自前代縣志中採錄。卷一爲『歷史』，下分本境、政績錄、兵事錄、耆舊錄、人種、戶口、氏族、宗教、實業等類。其中政績錄、兵事錄、耆舊錄、氏族諸類記載較爲詳細；卷二爲『地理』，下分城內、十村、山、水、道路類，記載亦較詳；卷三爲『格致』，下分物產、製造、商務類，較爲簡略。此本爲孤本，今藏於四川大學圖書館。

德陽縣志

德陽縣鄉土志

四川大學圖書館藏
珍稀四川地方志叢刊

德陽縣鄉土志

凡例

一編纂是志概遵編書局所頒例目不敢妄為增減
一是志概以縣志為藍本事關感勸方為采錄語涉繁冗概加刪節極知僭妄不敢辭

一本境建置 一統志四川通志綿州志德陽舊志皆列有表最為豁目其間廢置移徙與沿革說參觀不合因畧為移易今之縣城即長陽舊治故書長陽下如南陰平郡寄治陰平各志皆列郡名益州晉熙郡南新巴郡皆嘗寄治於此表皆未列殊為缺典因仿南陰平郡例補列其名或廢或徙或改

德陽縣鄉土志

凡例

一

四川大學圖書館藏
珍稀四川地方志叢刊

名稱皆為註出至旌陽縣不見晉史然傳之已久未便芟削故低格錄入庶不與見正史者相混俾觀者一目了然

一德陽之名始自唐代若漢之德陽在今之遂甯境後漢之德陽在今之梓潼境晉至南北朝之德陽皆為遂甯境凡隋以上之事蹟人物屬德陽者概不敢收入以名是而地實非如綿竹長陽陰平名異而地實本境故采擇無遺自長陽陰平廢綿竹移本境更名後則惟搜德陽餘不他及

一者舊以激發人心為宗旨事屬尋常無足觀感者不敢濫入名下皆不註籍貫以志為本境作所收皆本境人也惟他處寄籍本境本境寄籍他處者則詳注之

一諸葛瞻父子為國捐軀於此其忠節理合記載查縣名宦祠無其名綿竹誤以縣名相同遂請祀典不知蜀漢時之綿竹即今縣北之黃許鎮綿竹既有祀典自必能詳故兵事錄中錄其事以紀實名宦不列其名懼複也

一宗教本境惟有天主耶穌二教雖有回種未嘗傳教

一實業四民數目皆本團冊約量

德陽縣鄉土志

凡例

11

四川大學圖書館館藏
珍稀四川地方志叢刊

一地理用開方法繪圖每方十里兼載界外場鎮聊以醒目

一載寺觀或記里或設學堂或闢古蹟非此不錄

一縣屬各村地段紛歧交錯方無定向欲計里數不能指一處以定遠近

一本境之山人概謂之東山名目雖多不過隨地就形稱之其實止一山也

一水綿陽河石亭江源委均不在本境惟東山小河全在本境
一格致動物植物礦物本境無甚特別惟據常有者一一錄之
一商務本境無釐稅可查其暢銷各項數目括其大要皆於各
商訪聞而得殊難究竟

德陽縣鄉土志卷一

建置沿革表

[illegible]

德陽縣鄉土志

卷一 建置沿革表

四川大學圖書館藏
珍稀四川地方志叢刊

[illegible]

德陽縣鄉土志

卷一 建置沿革表

二
四川大學圖書館藏
珍稀四川地方志叢刊

政績錄

閻憲 樊嘉祥 張巍 許遜 杜強 相里寅 趙圻 焦煥 齊清 莊勉 樊鼎遇

兵事錄

冷 屠 費 張 夏 閔 周 王 裴 戚 鄧 何 陶 曾 陳
 宗 崇 元 忠 隆 學 顯 義 仁 隆 鴻 景 洪
 直 顯 傳 詒 德 吉 虞 源 忠 昌 錫 輔 慶 綬 福 材

年 趙 兵 事
 歲 敬 事

更始二年，張叔初平寶於綿竹。
建武十一年，臧宮破延岑於綿竹。
中平元年，馬超等聚眾於綿竹，殺縣令李昇。
建安十八年，先主拔洛城、冷苞等還保綿竹。
炎興元年，諸葛瞻與鄧艾戰於綿竹，瞻死之。
咸熙元年，術復遣西蜀張氏、姜氏於三昧亭。
永康元年，術復遣遺愛、遺芳等軍綿竹，之石亭為李特、張遵所害。
晉康元年，周仲孫拒李彤於綿竹。
義熙元年，張駿遣弟明于大敗王瓊於綿竹。
元嘉十三年，司馬飛龍攻陰平。
建武十三年，魏遣襄陽人侵蜀，蜀綿竹。
大建中四年，張勣襲成都，節度使張休當奔鹿頭。
元和中元年，高崇文討亂，破鹿頭。
中和四年，高仁厚敗楊師立兵於鹿頭。
光啓三年，王建破鹿頭關。
同光三年，唐代蜀李紹入鹿頭關。
淳化四年，李順陷綿竹。
咸平三年，王均攻陷德陽。
洪武元年，孫文德伐蜀入歸州，克德陽。
成化元年，李壽入趙驛，克陽城。
崇禎十三年，自成都陷德陽城。
咸豐十年，藍翎興後，孫李泉大肆殺戮。
光緒元年，李長元控入角井，貢生劉衣根等與賊戰於馬
光緒二十年，拳匪任觀德據秦楚，掠殺張和縣陳洪村梅斯元。

舊事業

類
江張陳馬張錢蕭劉劉馬劉邱楊倪張郭李
成忠忠能古銀翁紀北水宗奇龍張美
華儀玉山樓嘉銘孝文登慎修序鳳泰約華泉詩

七

事業

賴 鄧 賴 任 賴 謝 賴 陸
 朱陳卓賴田唐郭朱安鐸張周吳傅張劉周杜段張李張楊黃
 文德現任興金郭守政永宣大文發登張志綱紹明廷應瑞銘
 暖平源全訓藝廣文有任基榜富靈權權真熙化賢德鑑

學問

李流謀 章守身 曾守身 侯起元 閻維寅 劉碩輔 劉紀沛 黎朝泰 盧參 王慶 溫均 江宗泗 劉震樞 劉子雄 洪桂林 姜福春

節忠吏循將名臣名儒名代歷

劉安 任扶 董揆 鄭楚 司馬 何良 李德 鄭廷 杜可 鄧志 鄧宗 侯宗 鄧宗 曹文 田鍾 謝人 鍾玉 賀廷 鍾瑞

腎鄉

張羅朱張曹章范張張張李姜
懷世雲翰森中行行行安詩
胡劉曾何李李蔣樊張蔣焦吳姜趙鄭許
俊影元允純國爾集吳姜趙鄭許
林仲允純國爾集吳姜趙鄭許
中灼士開
行

忠義節烈

何充士麟
曾彭泗駒行
劉俊德中桂
胡桂林

官名

張齊焦姜吳趙鄭許
諸清娘珍淑圻微遜

德陽縣鄉土志卷一

歷史

本境

德陽縣唐高祖武德三年析雒縣於長陽舊址置今縣

縣未置以前在夏屬梁州之域商周為蜀國地秦屬蜀郡漢高

帝六年始置綿竹縣在今黃許鎮屬廣漢郡為都尉治後漢因之靈

帝中平五年益州牧劉焉嘗從此為益州治獻帝興平元年縣

災焉復徙成都縣仍屬廣漢郡晉太康初改旌陽尋廢按晉地理志旌陽屬荊州南郡廣漢屬縣無旌陽名然虞集旌陽祠堂記曹

陽屬荊州南郡廣漢屬縣無旌陽一名旌陽一統志四川通志德陽皆載

有旌旌陽丹井則流傳已久故考證之東晉安帝隆安二年分置晉熙郡領晉熙

德陽縣鄉土志

卷一 歷史

三

四川大學圖書館藏
珍稀四川地方志叢刊

即今綿竹縣治長陽即今二縣又分置南陰平郡陰平縣在今隆興橋縣屬

馬宋因之齊東昏侯永元初廢晉熙郡置南新巴郡寄治陰平

晉熙及縣屬馬梁復置晉熙郡後周徙晉熙郡治陽泉省晉熙

縣入之廢縣及長陽又廢南陰平郡改置南陰平縣尋廢隋文

帝開皇中廢晉熙郡復晉熙縣與陽泉並屬蜀郡十八年改陽

泉為孝水煬帝大業二年又改晉熙為綿竹是為今綿竹縣之

始者孝水入之

縣既置以後初屬益州武后垂拱二年屬漢州五代王建孟知

祥據蜀仍唐制宋因之元世祖至元八年陞縣為德州十三年

復改為縣屬成都路十八年復屬漢州明太祖洪武十年省入

漢州十三年復置仍屬漢州

國朝初屬成都府雍正五年陞綿州為直隸州以縣屬焉

政績錄

漢閭憲字孟度城固人章帝章和間除綿竹令以禮讓為化人

莫敢犯男子杜成夜行得遺物一囊中有錦二十五匹求其主

還之或曰暮夜無人何不持去曰縣有明府何敢負也童謠歌

曰閭尹賦政既明且昶去苛去羣動以禮讓後遷蜀郡民涕泣

送之

樊闕名靈帝熹平四年任綿竹令以移風惠民為意視事之初百

姓躬耕者少溉田邱荒乃遣都水掾水曹史繕作堤堰由是水

德陽縣鄉土志

卷一 政績錄

四

四川大學圖書館藏
珍稀四川地方志叢刊

由地中通利便好五穀豐茂人民歸附

三國漢張嶷字伯岐巴西南充國人後帝建興五年丞相亮北

住漢中廣漢綿竹山賊張慕等鈔盜軍資劫畧吏民嶷以都尉

將兵討之斬慕等五十餘級渠帥悉殄其餘類旬日清泰

晉許遜字敬之南昌人武帝太康元年為旌陽令視事之初誠

胥吏貪鄙除煩細脫囚繫悉開諭以道吏民悅服發摘如神吏

不敢欺其聽訟必先教以忠孝慈仁忍慎勤儉近賢遠奸去貪

戢暴復患百里之遠難於戶曉乃擇秀民之有德望與耆老之

可語者委之勸率故爭競之風日消久而至於無訟歲饑民困

於賦稅多所流亡嘗點金瘡國中使民鑿地得金以充賦值大

疫為符水以治病立起沉疴知晉世將亂乃棄官東歸蜀民感其德化無計借留所在立生祠家傳畫像敬祀如神明焉起行之日贏糧而送者蔽野事見舊志父老流傳已久姑存其畧

宋杜南強火井人徽宗大觀三年為縣酒稅官縣有大小二堰豪右專其利貧者不敢訴於宣司付南強定之民有息其姓者有古元約常以一囊盛之繫之臂至是出以示南強南強如其約曲直乃定豪右畏服兩堰之訟遂息南強賦詩云寄居具使從此去臂間休繫舊文書守貳刻其詩於岸石以永其傳

相里宣字公擇安仁人孝宗乾道時知縣事均水利以廣灌溉講荒政以賑流亡邑人立生祠以事之

德陽縣鄉土志

卷一 政績錄

五

四川大學圖書館藏
珍稀四川地方志叢刊

趙圻浚儀人甯宗開禧中知縣事鑿享泉以資灌溉民至今賴之明焦煥泰興人世宗嘉靖中知縣事不攜家室寢所衣笥撥吏守之政先大體綿陽江漲齧城脚築堤數里以捍衛高二丈寬稱之至今賴焉以奉採通省大木為上官所忌下獄尋得白歸惟圖書數卷

齊清滄州人短小精悍饒有才智嘉靖末知縣事邑舊有協濟綿州馬匹清力言其不可仍徵銀折價時內江趙文肅公過縣咨馬政清陳其利病條對甚剴悉文肅入朝即召為太僕寺丞莊自勉字子貴南甯恩貢穆宗隆慶間知縣事成都衛卒為其尉凌虐尉以事入縣境衛卒潛聚於仙人鎮欲殺尉縣捕兵救

免尉告鎮民窩盜殺人縣令失覺察鎮民懼罪逃匿自勉如不聞徐縛衛卒十餘人白其狀上下恬然民始復業軍興輓運時值審丁即照丁給米運之民得不擾

樊鼎遇字真公黃崗選貢神宗萬曆中知縣事吏治敏練繕城築堰置義倉創修經樓捐俸購書千卷以誨諸生皆其措施之大者

國朝屠直漢中城固進士康熙八年蒞任時距兵火未遠荆棘叢生人煙寥落招徠撫綏民皆樂業又建衙署修街道勤勸課給牛種秩滿遷嘉定牧去之日士民感戴遮道流涕立主祀之

冷宗昱黃陂進士康熙三十九年蒞任清廉不苟時縣境土廣

德陽縣鄉土志

卷一 政績錄

六

四川大學圖書館藏
珍稀四川地方志叢刊

人稀宗昱竭盡心力招徠開墾親指稼圃樹藝之法貧無力者分給牛具子種不索其償從此人煙漸集又復留心文治時與邑士講明先輩名程今諸生猶能道其餘澤

叢芳涵字初渠如皋進士康熙五十二年蒞任才幹卓邁屢雪冤獄上憲器重之會大兵征西藏縣當衝道從容應之徵收催科民不知役後卒於官閭閻思其遺愛建坊署前顏曰民之父母又塑像於許旌陽之右

張俸字廉夫嘉定副貢康熙五十二年任縣教諭品望高雅博古能詩訓士以敦孝友勵廉恥為先誘人為善孜孜不倦每分俸濟士之窮而力學者卒後圖書外別無他物士子至今追思

王理奉天舉人雍正九年蒞任耿介剛正人不可干以私獄訟早結案無留牘吏畏民懷時文風不振心深憫之捐廉立義學且作文以勸士氣為之復振咸謂學校多賴激勵云

夏詔新姚安拔貢雍正十三年知縣事嘗築河堤以衛城先是綿陽河流經縣東去城甚遠康熙五十二年大水直奔城足劃然成河前令叢芳涵築堤以固岸旋亦崩圯河久益濶城之東隅有岌岌之勢蒞任後捐俸倡築民咸樂輸乃營長堤於故岸冲决處城始獲安

崔浴德江西舉人乾隆二年署縣事愛民禮士捐資開梓潼堰民享沃野之利推俸建儒學署築河北堤以固城垣

德陽縣鄉土志

卷一 政績錄

七

四川大學圖書館藏
珍稀四川地方志叢刊

閻昌言字堯俞湖北孝感進士乾隆五年蒞任勸民力農田重蠶桑勤紡績為文勉勵疊疊不倦尤留心水利縣中稻田資於河堰者十之三資於泉堰者十之七先是民間秋冬後不知蓄水至春作田涸土圻堰水不敷浸灌往往棄而不治膏腴鞠為茂草昌言設為二法一日預浸冬田蓄水秋穫後水無用勸民留蓄冬水務使盈而不涸及插秧時挹彼注茲無不需足一日密作板閘停水法於堰腰用二石磴各鑿直槽東西對立下木板而閘之外作堤停水備灌溉水大則起板小則下板自無田高水低之患迄今綠野青疇繡鋪綺錯皆曰閻公之遺愛也周際虞字賡堯直隸豐潤舉人乾隆十九年蒞任以敦教化明

人倫為重先是書院生童多以遊談廢學際虞於釋菜後日省月試獎勤戒惰學優者出俸資膏火一時子衿洵達之風為之丕變勸民捐社穀一萬三千八百餘石建社倉一百九間舉殷實公正紳士司其事吏不得染指以為凶年之備後捐修養濟院以活窮民之不能自存者又建設南北官廳修理橋梁道路勸沿塗栽植樹木使行人夏得就樹憩息有董二者幼喪父無兄弟性嗜酒嘗因醉誚母母訴焉責而遣之戒無犯至再三乃謂其母曰爾子不悛當致於死令市棺置堂下納二於棺蓋而釘之二於是呼號乞命母亦感泣嘆曰此子天性未泯是猶有人心也復開棺出之母子拜謝二自此戒酒改行孝養無間云

德陽縣鄉土志

卷一 政績錄

八

四川大學圖書館藏
珍稀四川地方志叢刊

王學濂字志周浙江仁和進士乾隆五十四年蒞任性方嚴人無敢干以私有典試過縣索騎馬學濂曰典試所至局門封與功令森嚴奈何騎馬與士民見面乎卒不與典試怒步行出城上憲聞而益重之時方有事西藏邑當衝道羽檄星馳軍書旁午迄於納款之年大軍往返經過者不一次而夫馬供給酬應紛煩恒以身任之綜理精細一毫不累民間奏凱之日往來皆千里相屬沿途供頓爭以華麗相尚苞苴餽送派累逾多鄰封糧每兩徵銀派錢有至十餘貫者當徒役苛索叫呼則曰我止辦一褫職遣戍耳從容應之與馬飲食取其能給行臺驛棧取其能容大軍過境無不肅然而民間若不知有供億者省費以

鉅萬計居官務實政不立虛名以勞勩卒於官士民殮賻以歸其喪至今猶繪像事之

王陞元字伯鄰山西趙城舉人嘉慶二十四年蒞任居官明察別弊舉廢果於有為庭無留訟先是民輕犯法囹圄充斥陞元申明禮教咸知自愛數年繫囚減前政三分之二興起學校與諸生講論不倦文武科名遂聯翩鼎盛縣本衝繁供給旁午陞元鉅細躬親節裁冗費綜核名實凡有興作具有成算如填修官道勸種沿途列樹創建書院龍王廟培補城垣修整社倉培治公館諸鉅費悉取公用羨餘皆數年清釐之功也又捐廉添設義學置買學田並義塚地及養濟院絲毫不派民間吏不得

德陽縣鄉土志

卷一 政績錄

九

四川大學圖書館藏
珍稀四川地方志叢刊

染指舉行鄉飲賓興觀者如堵道光己酉歲饑稟請發倉賑濟親查貧戶丁口不使遺漏自捐米二百石多方勸民捐穀助賑凡鰥寡孤獨疾者分別大丁口月給米一斗五升小丁口減半又出社倉穀平糶全活數千家民不知有凶年焉
裴顯忠字淡如福建閩縣舉人道光十年蒞任扶植文教風雅能文表彰先賢古迹勸修考棚演武廳三造亭並置卷田纂修邑志較前志多所釐正增補亦夥又購經史子集千餘卷以惠士林

盛昌字春輝江西奉新進士道光二十八年署任倡修學宮清釐保甲時昌承前任王九牧縱囚之後盜賊充斥日拉人勒贖

綿竹令劉慶遠什邡令濮貽孫指吾邑為逋逃藪節相琦善怒幾搜屠戮禍曷多方調護與成綿龍茂道徐有士置渠魁於法一時株連者咸得昭雪去之日邑民為置木主於東關外許旌陽祠右祀之

唐彝銘字松軒陝西三水廩貢咸豐九年署理同治十二年再署愷悌慈祥愛民禮士時縣貧民多溺女遂持綿州罰款七百緡創辦育嬰局以緡錢選紳士綜理生息其後知縣何慶恩復捐錢二百二十緡並募捐各紳與撥入各款錢二千餘緡陶措緡又捐銀百兩黃禧祖案充五塘義渡田四十七畝局費充足溺女之風遂息每歲養嬰三百名月各給錢八百

德陽縣鄉土志

卷一 政績錄

十

四川大學圖書館藏
珍稀四川地方志叢刊

鄧仁垣字藩甫湖南武岡監生咸豐十年蒞任精明強幹吏畏民服無何滇匪圍綿州邑中戒嚴乃勸民集資繕城隍備器械嚴斥塹分東西南北四路為二百三十四團置首領朝夕訓練以衛桑梓百姓扶老攜幼入城避難仁垣躬率同官紳耆分守四門盤詰奸宄部署有方歷二載餘民咸用命一城賴以保全邑人為建德政坊於南關外

毛隆輔字益卿江西豐城監生同治七年九月署理興利剔弊勇於有為尤善聽斷有染工借米商斗筐不還久遂冒為己物米商往索反斥非控馬隆輔命執斗筐於堂下敲染殆徧宛然染工物也訊曰若本鄰好以彼失和是彼之罪也杖責斗筐落

糠屑滿地染工服罪一日獨外出遇婦詈罵萬端往問故則曰偶不在雞為人攘去隆輔曰速喚同居無少長男女咸出吾為若訊之齊集徧問皆不之承曰有麥乎婦應曰有取升麥來戰指作符咒狀訖令直伸肱各與勺麥曰緊握無使洩氣攘雞者麥必芽非則否因與談廉潔事時微睨之有少婦屈伸其指者再四隆輔曰麥不易芽何能久待然已知攘雞者即彼少婦也命婦同長老搜諸其家得之牀下其理訟多智術類如此初同治六年鄧仁垣奉臬憲牛樹梅札飭設三費局以除民累集紳議六七兩年每兩條糧外輸錢一千以資經費城鄉如遇人命盜傷路斃等案相驗緝捕招解各費皆出自局不用民錢費苦

德陽縣鄉土志

卷一 政績錄

十一

四川大學圖書館藏
珍稀四川地方志叢刊

不敷隆輔稟抽肉釐用遂饒裕勤於政治吏民莫不畏感懷德竟以勞瘁致疾甫四月卒於官至今民猶惜之

何遠慶字寬芝漢川拔貢光緒二年署理清廉勤敏禮賢士平獄訟有兄弟甲乙爭撫甲以撫約為據乙以神主為憑集訊遠慶曰若等在家皆食乎皆應曰食曰食於所生之父乎所後之父乎甲曰所後父乙曰所生之父也曰若何不食所後父之食是若未嘗撫也必若因喪滋鬧題主者作調停計權書兩名耳神主何足憑不實言責無恕乙遂叩頭服罪歲饑煮粥以賑濟饑孺蒞任三載百廢具舉比擢開縣去父老童稚壺漿絡繹祖道攀車有泣者

陶措綬字聯珊南昌進士光緒四年蒞任寬刑罰省徭役潔已愛民人不敢干以私妥訂三費局章程又從而推廣設官醫局牛痘局郵釐局復添籌育嬰局經費以拯窮嬰之無依者去來二十餘年興廢舉墜故能久道化成邑人建德政坊於南關外曾景福字仰山雲南舉人光緒八年署理聽訟明決剔弊不苛縣有農民某富而愚家居偷兒夜入被擒打而縱之後差獲偷兒訊時遂攀農民差拘農民至縣懼甚不知所為差某為畫策曰能與官銀二百保為汝脫法不然禍莫測農民遂趣家人持銀如數付差差袖銀入署欲藉官親以獻潛至後堂謁尋景福見之問故支吾其詞趨而出頃之又入又為景福所見疑馬喚

德陽縣鄉土志

卷一 政績錄

十二

四川大學圖書館藏
珍稀四川地方志叢刊

之前怒語啗喝差色變溺泔泔滴盡以實告罵曰奴才不教渠邀團鄰懇保敢以賄進污清白罪當死持大刑來差戰慄乞哀立喚農民上面無人色言不能出口景福和顏溫語問曰汝家居何業曰力田曰與偷兒有讐乎曰不識何讐景福曰我提偷兒訊汝雜立差役中試識而思其故景福反覆訊偷兒農民形狀與諸差誰似偷兒曰皆不之似農民前日某夜入家行竊者即彼也嘗擒而打之景福因治偷兒誣攀罪責差銀概還農民遣歸田焉

張瑞麟字仁山三元附貢光緒十一年署理樂易明達訟事虛衷以聽不矜才飾非民有賣醵者肩赴縣市中道力疲雇人荷

其擔荷擔者沿途縷問瓢數與價值盡告之民忽如廁荷擔者陰取二瓢置亂草中至城趨而進呼之不止民遂前奔遮其行反扭民喊懇瑞麟問其瓢數民不知其取之也以前數對荷擔者則曰數若干數之民數不符斷歸荷擔者趨出署民呼冤不已瑞麟疑有誤喚荷擔者還命解散瓢各縛一束民頃刻縛就荷擔者不能答責荷擔者

陳洪材字仲鈞懷集舉人光緒二十八年署理性情和易聽訟廉明嘗平歛螺山拳匪事詳兵事錄值歲饑災民嗷嗷具牘上憲開倉分別賑糶編審戶口俾廉正紳衿董其役全活甚眾創利民局聽民稱貸不取息貸千錢日還十文百日收清改孝感

德陽縣鄉土志

卷一 政績錄

十三

四川大學圖書館藏
珍稀四川地方志叢刊

書院作高等小學堂旌陽書院作師範傳習所設酒稅局邑人於南關外鑄石頌德其生存者牟思敬光緒二十年代理時縣中哥老會勢甚熾鄰境匪徒與本地豪痞相仇殺露刃橫行街市劫掠四鄉莫敢訴首思敬創設團保局四鄉置總保招練壯丁四十名著渠魁嚴緝究辦並籍其田廬充公餘黨鳥獸散境遂獲安趙淵光緒二十六年蒞任不設門丁日坐堂皇訟牒至則立判病中亦視事不輟購桑秧數千株徧植公地以開民利征賦許納者自投其培植學校加課經史時務捐俸金二百並募士民釀金買書二萬餘卷建宏道閣藏之任人閱鈔以長學識創正蒙精舍選童之穎秀者肄業其中資其束脩膏火改

置合斗以滿為度不許斗商手量積弊遂除貧民稱便建自新所犯罪者教以工藝嚴治盜賊境以內匪無敢入樓藜然光緒二十九年署理縣有黃膠堰互爭水利久不能決親勘驗為定章程立案人服其平創修工藝局倡捐百金民踴躍集事增養濟院孤貧口糧四十名鈕傳善光緒三十年署理嘗置警察局挑選練丁四十名

兵事錄

漢淮陽王更始二年夏四月更始遣李寶徇蜀漢公孫述遣其弟恢迎擊於綿竹即今黃許鎮大破走之遂自立為蜀王成都秋更始遣柱功侯李寶益州刺史張忠將兵萬餘人徇蜀漢述恃

德陽縣鄉土志

卷一 兵事錄

十四

四川大學圖書館藏
珍稀四川地方志叢刊

其地險眾附有自立意乃使其弟恢於綿竹擊敗寶忠大破走之由是威震益部光武建武十二年秋七月遣吳漢岑彭等伐蜀彭使臧宮將降卒五萬從涪水上平曲公孫述將延岑威兵於沅水宮晨夜進兵多張旗幟登山鼓噪呼聲動山谷岑不意漢兵猝至大震恐宮縱擊大破之岑奔成都宮進拔綿竹破涪城斬述弟恢其眾悉降

靈帝中平元年馬相趙祗等於綿竹自號黃巾聚疾疫之民一二日得數千人殺縣令李昇遣王饒趙播等進攻雒城殺刺史卻儉并下蜀郡犍為破巴郡益州從事賈龍率吏民攻相破滅

之乃選吏卒迎焉五年馬移治綿竹撫納離畔流亡者恣饒之久乃僭擬乘輿築闕門

獻帝建安十八年先主至涪據其城劉璋遣劉瓚冷苞張任等拒於涪皆破敗退保綿竹縣令吳懿詣軍降璋復遣李嚴費觀督綿竹軍嚴觀率眾降同拜裨將將軍進圍璋子循於雒城蜀漢後帝炎興元年冬諸葛瞻督諸軍拒魏將鄧艾至涪不進艾遂長驅而前瞻退保綿竹艾使人招降瞻怒斬之與戰綿竹敗績與子尚尚書郎黃崇羽林將軍李球尚書張遵皆死之魏元帝咸熙元年春正月魏以檻車徵還鄧艾鍾會謀反伏誅艾本營將士追艾迎還衛瓘自以為與會共陷艾懼為變又欲

德陽縣鄉土志

卷一 兵事錄

十五

四川大學圖書館藏
珍稀四川地方志叢刊

專誅會之功乃遣護軍田續討艾遇於綿竹夜襲艾於三造亭斬之及其子忠

晉惠帝永康元年益州刺史趙廞反以流人李特兄弟為心膂又忌特弟庠驍勇斬庠特等怨廞引兵歸綿竹廞恐朝廷討已遣長史費遠捷為太守李苾督萬餘人斷北道次綿竹之石亭特收合得七十餘人夜襲遠大潰廞獨與妻子乘船走廣都為下人朱竺所殺

孝武帝甯康元年十一月秦王苻堅遣朱彤等率卒二萬寇蜀晉揚武將軍益州刺史周仲孫勒兵拒彤於綿竹二年堅取益州州人張育楊光等起兵拒秦秦將鄧羗擊斬育於綿竹

安帝義熙元年二月益州刺史毛璩聞譙縱反自雒城步還成都遣參軍王瓊及弟瑗率兵討縱縱遣弟明子及將侯暉拒瓊於廣漢瓊擊破暉軍追至綿竹明子設二伏大敗之瓊眾死者十八九

宋文帝元嘉九年有司馬飛龍者自稱晉宗室自仇池入綿竹煽動羣小得千餘人破巴興殺縣令王貞之進攻陰平即縣北隆興橋太守沈法興焚城遁益州刺史劉道濟遣軍擊斬之時道濟督護費謙不與五城人帛氏奴梁顯為參軍氏奴恚忿謙又聚歛失商旅心顯及飛龍黨趙廣等因民心思亂詐言飛龍猶在陽泉即縣西山中愚民相率從之得數千人攻陷涪城巴西諸郡

德陽縣鄉土志

卷一 兵事錄

十六

四川大學圖書館藏
珍稀四川地方志叢刊

聞涪不守并委郡出奔廣本譎詐聚兵眾久不見飛龍各欲散去廣懼乃至陽泉寺中脅道人程道養冒為司馬飛龍稱蜀王以道養弟道助為長沙王廣及顯等皆為將軍眾十餘萬進圍成都道濟參軍裴方明率兵出奇奮擊賊眾大潰生擒司馬龍仲即道助也廣等奔散涪蜀皆平

唐德宗建中四年西川兵馬使張朐襲成都節度使張延賞奔鹿頭城朐醉亂不設備延賞牒知遣鹿頭戍將叱干遂捕斬之復成都

憲宗元和元年正月西川節度使劉闢反詔神策軍使高崇文將兵討之出閬中却劍門解梓潼圍闢城鹿頭山旁連八屯扼

二州險要以拒東兵是日破賊二萬於城下會雨不克明日戰萬勝堆堆直鹿頭左使驍將高霞寓奪而有之盡殺戍者焚其柵據堆上下瞰鹿頭城人可頭數凡八戰皆捷賊心始搖大將阿跌光顏以後期至懼罪請深入自贖乃命軍鹿頭西斷賊糧道賊大震恐於是綿江即綿陽河鹿頭諸將皆以城降崇文遂長驅直指成都克之闢奔吐番

僖宗中和四年二月東川節度使楊師立舉兵反三月詔以高仁厚為留後率師二萬討之軍至德陽師立遣大將軍張士安鄭君雄守鹿頭關拒之仁厚次漢州前軍戰德陽閬甸仁厚曰攻之則彼利我傷圍之則彼勞我逸遂列寨圍之師立嬰城守

德陽縣鄉土志

卷一 兵事錄

十七

四川大學圖書館藏
珍稀四川地方志叢刊

閏四旬夜出兵擾北柵仁厚設兩翼而伏披柵門列炬賊不敢進伏發擊走之光啟三年王建既盜據利閬四川節度使陳敬瑄懼謀於監軍田令孜令孜曰建吾養子也折簡可致麾下遣使召之建即寄弩梓州引兵至鹿頭關敬瑄不納建怒與諸將斷髮誓作賊引眾破鹿頭敬瑄屯彌牟德陽樹二壁拒建五代唐莊宗同光三年九月遣魏王繼岌郭崇韜伐蜀唐將李紹琛即康延孝進至綿州綿江浮梁已斷水深無舟楫可渡紹琛謂李嚴曰吾懸軍深入利在速戰乘蜀人破膽之時但得百騎過鹿頭關彼且迎降不暇若修繕橋梁必留滯數日或教王衍堅壁閉關則勝負未可知矣乃與嚴乘馬浮渡江從兵得濟者僅

千人溺死者亦千餘人遂入鹿頭關據漢州

宋太宗淳化四年春青城人王小波聚眾為亂小波死又推其妻弟李順為帥眾至萬人五年正月成都都不守綿州彭漢德陽永康軍悉陷於賊

真宗咸平三年王均為益州兵馬都虞候會兵馬鈴轄符昭壽驕恣侵虐正月朔侍衛軍卒趙廷順等八人作亂殺之奉均為主攻陷漢州德陽一路進寇綿州

明太祖洪武四年正月以傅友德為征虜前將軍伐蜀克階州文縣趙綿州時漢州石亭江水漲不得渡伐木造戰艦欲以軍聲通瞿塘乃削木為牌數千書克階文綿日月投漢石亭江順

德陽縣鄉土志

卷一 兵事錄

十八

四川大學圖書館藏
珍稀四川地方志叢刊

流而下蜀守者見之皆為解體臨江侯陳德分道入綿州克龍安德陽憲宗成化元年春正月縣人趙鐸反自稱趙王漢州諸賊皆歸之連番眾數陷城殺將吏遣其黨何文讓及僧悟昇掠安岳諸縣都督何洪斬悟昇擒文讓鐸將逼成都官軍分三路討之洪偕都指揮甯用趙彰明賊引去追之梓潼朱家河力戰賊少却洪乘勝陷陣後軍不繼為賊圍左右跳盪殺賊甚眾力竭死綿竹典史蕭讓率鄉兵擊鐸破之官兵進擊其黨稍散去鐸勢孤帥餘賊趙彰明千戶田儀設伏梓潼參將周貴直搗其巢賊大敗追至石子嶺儀亟進斬鐸賊盡平